

"Hunto nos por construi un futuro mas grandi y mas radiante pa nos yiunan!"



**GRATIS**

**AWE Mainta**

*e corant di Toko*

# COLEGIO SAN NICOLAS A CELEBRA SU 35 AÑA DI INTRODUCCION

COMO E PROME SCOL PUBLICO PA HAVO Y VWO NA ARUBA

**GARFEX**

**Presents**

**Diahuebs**

7-12pm  
Mr Golden Oldie  
Dennis Zeppenveldt

**Plaza**

bookshop

Ave Milla Croes 8a - T. 582 1821  
[www.plazabookshop.aw](http://www.plazabookshop.aw)





"Hunto nos por construi un futuro mas grandi y mas radiante pa nos yiunan!"

## Colegio San Nicolas a celebra 35 aña cu introduccion di e prome scol publico pa HAVO y VWO na Aruba

DIARAZON mainta enseñansa na San Nicolas tabata di fiesta cu e apertura di Aruba su prome scol publico HAVO/VWO.

Colegio San Nicolas a habri riba exactamente e mesun fecha, cual ta dia 15 di augustus, ora cu e introduccion di HAVO/VWO a tuma lugar "Pariba di Brug" 35 aña pasa pa medio di SMOA. Awe Colegio San Nicolas ta para riba su mes, bao di Dienst Publieke Scholen, o sea como "scol di Gobierno".

E 312 alumnonan y nan mayornan por conta cu e sosten completo di 33 maestro, demas personal y sigur cu e apoyo di e Director di Colegio San Nicolas, sr. Johnny Fingal. E scol tin 13 klas den total, ofreciendo enseñansa riba nivel di Ciclo Basico 1 y 2, HAVO 3 y 4, VWO 3 y HLL.

Mainta tempran alumnonan a yega na Colegio San Nicolas, unda cu nan a wordo ricibi pa nan klasseleraar, kende a hiba un combersacion cu nan tocante reglanan general y kico ta spera nan y a presenta e roosternan.

Despues a sigui un ceremonia y celebracion cortico pa conmemora e fecha importante y apertura di e Aña Academico 2012/2013.

Sr. Johnny Fingal a splica den su discurso cu contrario na antes cu un estudiante di pabao di brug mester a pidi permiso pa bay Colegio na San Nicolas, awor e scol ta habri su portanan pa henter Aruba.

E Rector a splica cu e scol lo tin un maneho specifico den cuadro di ley y a enfatisa cu "nos kier duna un guia sumamente estrecho n'e muchanan y yuda nan di tur forma pa yega na nan diploma."

El a splica cu e re-introduccion di e "E-klas" of manera e yama oficialmente "HAVO lang trayecto" o sea HL mester cumpli cu e necesidad cu ta existi y cu a wordo proba cu investigacion cientifico na Hulanda, di un tempo poco mas largo pa completa HAVO 4 y HAVO 5.

Pa loke ta trata HL e normanan pa acepta e estudiante ta mas flexibel y e trayecto di HAVO 4

y 5 ta wordo parti over di tres aña, pues ta duna e estudiante un aña mas pa completa su HAVO. Sr. Fingal a gradici particularmente Minister Arthur Dowers pa su excelente cooperacion y determinacion pa haci Colegio San Nicolas un realidad y tambe sra. Miriam Helder y sr. Ralph Croes, kendenan a traha te or-

anan laat di anochi pa yuda cu tur detaye necesario y realisa e establecimiento di Colegio San Nicolas.

El a gradici tambe King Lie Kwie, un artista conoci di San Nicolas, kende a traha diasabra y diadomingo pa realisa e mural bunita na entrada di e scol. Tambe sr. Johnny Fingal a en-

fatisa e importancia di e sosten di e mayornan y a gradici nan p'e confiansa den Colegio San Nicolas y e team di maestro pa educa y yuda guia nan yiunan.

"Esaki ta otro oportunidad pa hobennan na Aruba. Nan t'e ganador, pa nan nos ta traha," sr. Fingal a enfatisa, añadiendo: "Hunto nos lo yega!"

